



**Jizzax viloyati statistika boshqarmasida o'tkazilgan
Kengash yig'ilishi bayoni
3-son**

2024 yil 30 iyul

Jizzax shahri

Raislik qiluvchi: D. Mulladjanov – viloyat statistika boshqarmasi boshlig'i
Qatnashdilar: Sh. Sharipov – viloyat statistika boshqarmasi boshlig'ining
birinchi o'rinbosari
G'. Tangriev – boshqarma boshlig'i o'rinbosari

Boshqarmaning tarmoq bo'limlari va tuman (shahar) statistika bo'limlari boshliqlari (ro'yxat bo'yicha)

- I. Kirish so'zi.
- II. Jizzax viloyati statistika boshqarmasi tizimida 2024-yilning 2-choragida amalga oshirilgan ishlar va kelgusidagi ustuvor vazifalar.
- III. Ijro intizomini yanada mustahkamlash va jismoniy va yuridik shaxslardan kelib tushgan murojaatlar bo'yicha boshqarma hamda tuman statistika bo'limlari tomonidan amalga oshirilayotgan chora-tadbirlar natijalari to'g'risida.
- IV. Qo'shimcha masalalar

(D. Mulladjanov, Sh. Sharipov, G'. Tangriev, G'. Haydarov, S. Hamraqulova, D. Abdujabborov, S. Ismoilov, D. Turmatov, Sh. Sharipova, R. Tursunova, R. To'raqulova, D. Mayliboeva, L. Lukmanova, M. Nurmamatova, V. Mamatqulov, G'. Qo'shoqov, F. Soipov, Z. Jo'rayeva, O. Oripova, D. Mulladjanov)

Navbatdagi kengaytirilgan yig'ilishini boshqarma boshlig'i D. Mulladjanov kirish so'zi bilan ochib berdi va yig'ilish kun tartibi bilan ishtirokchilarni tanishtirib o'tdi.

U o'z so'zida Davlat statistikasini tubdan takomillashtirish yuzasidan amaldagi qonunchilik hujjatlari, O'zbekiston Respublikasi Prezidenti va hukumati farmon va qarorlarida belgilab berilgan vazifalarni so'zsiz bajarilishini ta'minlash Davlat statistika ishlari dasturi ijrosi, davlat va xo'jalik boshqaruvi organlari, joylardagi ijro hokimiyati organlari bilan hamkorlik qilish borasida belgilangan vazifalarning 2024 yilning dastlabki 6 oylik yakuni bo'yicha tizim organlari faoliyati natijalarining tanqidiy tahlilini o'qib eshittirdi.

Dastlabki ma'lumotlarga ko'ra, viloyatda joriy yilning yanvar-iyun oylarida ishlab chiqarilgan yalpi hududiy mahsulot (YAHM) hajmi joriy narxlarda 16 169,3 mlrd. so'mni tashkil etdi. YAHMning o'sish sur'ati o'tgan yilning mos davriga nisbatan 107,0 foizni tashkil etdi.

Viloyat sanoat korxonalarida 2024-yilning yanvar-iyun oylarida 11 451,5 mlrd. so'mlik sanoat mahsulotlari ishlab chiqarilishi ta'minlanib, ishlab chiqarish fizik hajm indeksi 2023 yilning tegishli davriga nisbatan 108,3 foizni tashkil etdi.

Qishloq, o'rmon va baliqchilik xo'jaligi mahsulot (xizmatlar) larining umumiy hajmi 10 104,5 mlrd. so'mni yoki 2023 yilning shu davriga nisbatan 103,4 foizni, shu jumladan dehqonchilik va chorvachilik hamda ushbu sohalarda ko'rsatilgan xizmatlar

9 839,5 mlrd. soʻmni (103,2 %), ovchilik sohasida koʻrsatilgan xizmatlar 0,1 mlrd. soʻmni (102,0 %), oʻrmon xoʻjaligida 158,8 mlrd. soʻmni (103,6 %), baliqchilik xoʻjaligida 106,1 mlrd. soʻmni (127,1 %) tashkil qildi.

2024-yilning yanvar-iyun oylarida viloyatda iqtisodiyot va ijtimoiy sohani rivojlantirish uchun jami moliyalashtirish manbalari hisobidan 10 137,9 mlrd. soʻm, (dollar ekvivalentida 806,8 mln. AQSH doll.) asosiy kapitalga investitsiyalar oʻzlashtirilib, oʻtgan yilning mos davriga nisbatan 34,9 foizga koʻpaydi.

2024 yilning yanvar-iyun oylarida 2 247,8 mlrd. soʻmlik qurilish ishlari bajarilib, oʻsish surʼati 2023 yilning mos davriga nisbatan 110,8 foizni tashkil etdi.

Ishlab chiqarilgan (koʻrsatilgan) bozor xizmatlarining jami hajmi 6 051,1 mlrd. soʻmni yoki oʻtgan yilning mos davriga nisbatan oʻsish surʼati 114,1 foizni tashkil etdi.

2024- yilning yanvar-iyunida chakana savdo tovar aylanmasi 4 568,8 mlrd. soʻmni yoki 2023- yilning shu davriga nisbatan oʻsish surʼati 107,4 foizni tashkil qildi. Yirik korxonalarining chakana savdo tovar aylanmasi 202,2 mlrd. soʻmni va umumiy chakana savdo tovar aylanmasidagi ulushi 4,4 foizini tashkil qildi. Kichik korxonalar va mikrofirmalarning chakana savdo tovar aylanmasi 122,1 foizni tashkil etib, 1 315,2 mlrd. soʻmga yetdi, umumiy chakana savdo tovar aylanmasidagi ulushi esa 28,8 foizni tashkil qildi.

Umumiy tovar aylanmasi hajmida 3 051,4 mlrd. soʻm savdo faoliyati bilan shugʻullanadigan jismoniy shaxslar va yakka tartibdagi tadbirkorlar hissasiga toʻgʻri keldi va oʻsish surʼati 2023- yilning shu davriga nisbatan 105,4 foizga yetdi. Jami chakana savdo tovar aylanmasi hajmida ushbu sektor ulushi 66,8 foizga teng boʻldi.

Viloyatning tashqi savdo aylanmasi 2024- yilning yanvar-iyun oylarida 1 013,7 mln. AQSH dollarini, jumladan eksport 97,9 mln. AQSH dollarini, import 915,8 mln. AQSH dollarini tashkil etdi. Tashqi savdo aylanmasining oʻsish surʼati 198,6 % ni tashkil etdi.

Tashqi savdo aylanmasining saldosi minus -817,9 mln. AQSH dollarni, shu jumladan MDH davlatlari bilan 30,7 mln. AQSH dollarini va boshqa davlatlar bilan minus -848,6 mln. AQSH dollarini tashkil etdi.

Viloyat tashqi tovar aylanmasida salmoqli ulush Gʻallaorol tumani hissasiga toʻgʻri kelib 399,5 mln. AQSH doll. (39,4 %) ni, oʻtgan yilning mos davriga nisbatan 2,6 marta, Jizzax shahri 305,8 mln. AQSH doll. ni (30,2 %) tashkil qildi va oʻtgan yilning mos davriga nisbatan 139,9 %, Forish tumani 206,7 mln. AQSH doll. (20,4 %) ni tashkil qildi va oʻtgan yilning mos davriga nisbatan 2,9 martaga oshdi.

2024- yilning yanvar-iyunida kichik tadbirkorlik subyektlarining YaHMdagi ulushi 68,3 foizni tashkil etdi. Sanoatda – 26,0 foizni, qishloq, oʻrmon va baliqchilik xoʻjaligida – 98,9 foizni, qurilishda – 91,9 foizni, eksportda – 50,2 foizni tashkil qilgan.

Korxonalar va tashkilotlar yagona davlat registri maʼlumotlariga koʻra, 2024- yilning 1-iyul holatiga roʻyxatga olingan yuridik shaxslar soni 49 955 taga yetdi, shundan faoliyat koʻrsatayotganlari soni 26 428 tani yoki jami roʻyxatga olingan yuridik shaxslarning 52,9 foizini tashkil qildi.

Iqtisodiy faoliyat turlari boʻyicha roʻyxatga olingan korxonalar va tashkilotlarning asosiy qismi, (jami roʻyxatga olingan yuridik shaxslarning foizi) qishloq, oʻrmon va baliqchilik xoʻjaligi (48,3 %), savdo (17,5 %), sanoat (10,1 %) va qurilish (5,0 %) sohalariga toʻgʻri keldi.

Yigʻilish davomida kun tartibiga mufoviq, tizimda Davlat statistika ishlari dasturining ijrosi hamda Kengashning 3 oylik ish rejasiga kiritilgan tadbirlarning bajarilishi boʻyicha boshqarmaning mutasaddilari tomonidan hisobotlar berish jarayonida har bir masalani atroflicha muhokama qilinishini taʼkidladi va kun tartibidagi navbatdagi masala muhokamasiga oʻtilishini aytib oʻtdi.

II. Jizzax viloyati statistika boshqarmasi tizimida “2024 yil uchun Davlat statistika ishlari dasturi” ijrosi yuzasidan 2024 yilning 2 choragi davomida amalga oshirilgan ishlarining samaradorligi va kelgusidagi ustuvor vazifalar to‘g‘risida.

Statistika faoliyatini tashkil etish va yig‘ma axborot-tahliliy ishlar bo‘limi boshlig‘i (G‘.Xaydarov)

2024 yilning 2-choragi yakunida Davlat statistika ishlari dasturida belgilangan statistika ishlarining to‘liq hajmda bajarilishi ta‘minlandi. Iqtisodiyot tarmoqlari va sohalarini rivojlantirish maqsadli kompleks dasturlar monitoringi uchun zarur ma‘lumotlar shakllantirildi, iqtisodiyot tarmoqlari va hududlarni rivojlanishi holatini tavsiflovchi tahliliy-statistik ma‘lumotlar har oyda va chorakda mahalliy hokimiyat va boshqa tegishli tashkilotlarga taqdim etildi.

Shu bilan birga, Jizzax viloyat teleradiokompaniyasi bilan yaqindan hamkorlik o‘rnatilgan. 2024 yilning yanvar-iyun oylarida “Jizzax.uz” va “Sangzor.uz” va barcha tuman hokimliklarining mahalliy saytlarida O‘zbekiston Respublikasi Prezidenti va Hukumatining farmon va qarorlari, statistika sohasiga oid qonunchilik va me‘yoriy-huquqiy hujjatlarning mazmun-mohiyatini keng jamoatchilikka tushuntirish hamda xo‘jalik yurituvchi sub‘ektlar bilan keng ko‘lamli profilaktika maqolalari hamda statistik-tahliliy ko‘rinishidagi ma‘lumotlar yoritib borildi.

Bu borada barcha tuman (shahar) statistika bo‘limlari tomonidan har oyda OAV da chiqishlar belgilangan bo‘lib chorak yakuni bo‘yicha Jizzax shahar, Paxtakor va Do‘stlik tuman statistika bo‘limlari tomonidan chiqishlar yaxshi yo‘lga qo‘yilgan.

Shuningdek, boshqarma va tuman (shahar) statistika bo‘limlari tomonidan profilaktika ishlari yuzasidan 2 554 ta tushuntirish ishlari olib borilgan, 158 marta ommaviy axborot vositalarida chiqishlar tashkil etish, 4 033 ta buklet va qo‘llanmalar tarqatish orqali tadbirkorlik sub‘ektlari o‘rtasida profilaktika ishlari tashkil etildi. Natijada, profilaktika tadbirlari orqali jami 1746 ta holatda yo‘l qo‘yilishi mumkin bo‘lgan xato-kamchiliklarning oldi olindi va bartaraf etildi.

Hisobot intizomini buzgan mansabdor shaxslarga nisbatan qonunchilikda belgilangan choralar ko‘rib borish bo‘yicha Baxmal, Sh.Rashidov, Zarbdor va Mirzacho‘l tuman statistika bo‘limlari sustkashliklarga yo‘l qo‘ymoqda.

Yig‘ilishda davlat statistika organlari faoliyatining ochiqligini ta‘minlash, statistik axborotlar sifati va mazmunini kengaytirish, taqdim etilayotgan statistik nashrlarni takomillashtirish yuzasidan amalga oshirilayotgan tadbirlar samaradorligi muhokama etilib, bu boradagi ishlar samaradorligini yanada oshirish, statistik axborotlarning ochiqligini ta‘minlash, sifati va mazmunini yanada takomillashtirish yuzasidan vazifalar belgilandi.

Ishbilarmonlik muhiti kuzatuvlari va tadbirkorlik statistikasi bo‘limi boshlig‘i (D.Abdujaborov)

2024-yilning ikkinchi choragida tuman (shahar) bo‘limlari tomonidan amalga oshirilgan ishlar bilan bir qatorda quyidagi xato va kamchiliklarga yo‘l qo‘yildi:

2024 yil II choragi bo‘yicha 4-KB savolnoma (choraklik) “Mikrofirma va kichik korxonaning faoliyati to‘g‘risida savolnoma”gi davlat statistika savolnomasi bo‘yicha 2024 yil 20 iyul holatiga ko‘ra 644 ta yoki jamiga nisbatan 97,1 % subyekt hisobot taqdim etdi. Do‘stlik tumani - 93,7 %, Sh.Rashidov tumani - 93,7 %, Baxmal tumani - 94,6%, G‘allaorol tumani - 95,2% hamda Zomin tumani 96,2 % viloyat ko‘rsatkichidan past qamrovni ta‘minladi.

Qishloq xo‘jaligi va ekologiya statistikasi bo‘limi boshlig‘i v.b. (S.Ismoilov)

4 fx (1-chorak) hisoboti bo‘yicha:

2024-yil 2-chorak uchun 4 fx hisobotini qamrovi ta‘minlanishi bo‘yicha jami hisobot taqdim etuvchi fermer xo‘jaliklari 7476 tani tashkil qilib, shundan 515 ta xo‘jalik tomonidan hisobot muddatida taqdim etilmagan. Bulardan 482 ta fermer xo‘jaliklarining yer ijara shartnomasi bekor bo‘lib asoslovchi hujjatlari mavjud.

Tuman (shahar) statistika bo‘limlari tomonidan 2024-yilning 2-choragi uchun 4 fx

hisobotini jami 27 ta fermer xo'jaligi, jumaladan Baxmal tumanida 14ta, G'allaorol tumanida 3 ta, Sh.Rashidov tumanida 6 ta, Zarbdor tumanida 3 ta va Mirzacho'l tumanida 1 ta fermer xo'jaliklari tomonidan hisobotni taqdim qilish muddatini buzish holatlari aniqlandi.

Yuqorida nomlari sanab o'tilgan tuman va shahar statistika bo'limlari tomonidan hisobot taqdim qilish tartibini buzgan fermer xo'kaliklariga ko'rsatma hamda chaqiruv hatlari chiqarildi. Shundan, Baxmal tumanida 12ta, G'allaorol tumanida 2 ta fermer xo'jaligiga asoslovchi hujjat, ya'ni dalolatnoma tuzildi, Baxmal tumanida 1 ta, G'allaorol tumanida 1 ta, Sh Rashidov tumanida 1 ta hamda Zarbdor tumanida 1 tadan fermer xo'jaliklari tomonidan hisobotlarni 1 oy muddat ichida taqdim qilindi. Hisobotlarini taqdim qilmagan fermer xo'jaliklariga jumladan, Baxmal tumanida 1 ta, Sh Rashidov tumanida 5 ta hamda Mirzacho'l tumanida 1 ta fermer xo'jaliklariga chora ko'rilib E-MA'MURIY ISH tizimiga kiritildi.

4 dx (1-chorak) hisoboti bo'yicha:

4-dx 1-chorak uchun hisoboti katalog bo'yicha jami 300 tani tashkil qilib, shundan barcha MFY tomonidan hisobotlar muddatida taqdim qilindi. Faqat Zomin tumanidagi 1 ta mahalla tomonidan hisobot qog'oz shaklida qabul qilingan. 2-chorak yakuni bilan 4-dx hisoboti ko'satkichlarini o'tgan yilning mos davri bilan solishtirilganda ayrim tumanlarda ko'rsatkichlarni sun'iy oshirish holatlari kuzatildi.

Jumladan, G'allaorol tumanida o'tgan yilning mos davri bilan solishtirilganda dehqonchilik mahsulotlari bo'limida jami don 240,0 foizga, makkajo'xori 261,3 foizga, kartoshka 339,6 foizga, uzum 274,4 foizga hamda chorvachilik bo'limida ot 138,5 foizga, go'sht yetishtirish 114,1 foizga, sut 112,0 foizga, tuxum 114,2 foizga oshirib ko'rsatilganligi aniqlandi. Baxmal tumanida dehqonchilik mahsulotlari bo'limida kartoshka 111,7 foizga, chorvachilik bo'limida sigirlarning bosh soni 147,0 foizga, go'sht yetishtirish 140,6 foizga, asal 113,2 foizga oshirilib ko'rsatilganligi aniqlandi. Paxtakor tumanida dehqonchilik mahsulotlari bo'limida kartoshka 238,2 foizga, meva va rezavorlar 124,8 foizga, chorvachilik bo'limida sigirlarning bosh soni 111,4 foizga, parrandalar bosh soni 167,7 foizga, go'sht yetishtirish 129,7 foizga, sut 184,1 foizga, jun 119,1 foizga oshirib ko'rsatilgani aniqlandi.

Bir necha bor qayta-qayta ogohlantirishlarga qaramay yuqoriga ko'rsatilgan xato va kamchiliklar tuman statistika bo'limi xodimlari tomonidan nazoratga olinmagan. Ushbu xato va kamchiliklar tumanning iqtisodiy ko'rsatkichlarini sun'iy oshirish deb qabul qilinib viloyatning ko'rsatkichlariga o'z ta'sirini o'tkazmoqda.

Narx statistikasi bo'limi bosh mutaxassisi (S.Hamraqulova)

Iste'mol narxlari indeksi kuzatuv bo'yicha nooziq-ovqat guruhidagi dori vositalari narxlari oshgan bo'lsada Paxtakor, Zomin, G'allaorol tumanlari va Jizzax shahar statistika bo'limlari hodimlari tomonidan planshetga narxlar o'zgarishsiz kiritilganligi tanqid qilindi.

Sanoat va energetika statistikasi bo'limi boshlig'i (R.To'raqulova)

2024 yil viloyatda jami sanoat faoliyati bilan shug'ullanuvchi yakka tartibdagi tadbirkorlar 2375 ta bo'lib, shundan 384 tasi 2024 yilning 2-choragida 4-sanoat (JSh) tanlanma kuzatuviga tanlab olingan. Ularning 194 tasida (50,5%) ish hajmlari ko'rsatilmagan.

Mirzacho'l tumanida 4-sanoat (JSh) tanlanma kuzatuviga tushgan jami 23 ta yakka tartibdagi tadbirkorlardan 16 tasi hajmli bo'lib, xammasiga kuni qo'yilganda ishlab chiqarish xajmi qo'yilmagan sanoat bo'limi mas'ul xodimlari boshdan kuzatuv o'tkazgan. Fotosurati to'liq berilmagan.

Zarbdor tumani tashrif natijalari noto'g'ri qo'yilgan ba'zi bir yakka tadbirkorlarning mahsulot kodlari sababsiz o'zgartirilib ko'rsatilgan o'rganishdan keyin to'g'irlandi. Zomin tumanida rasm to'liq berilmagan tashrif natijalari, kunlari xatolik bilan qo'yilgan. G'allaorol tumanida rasm to'liq berilmagan mahsulot kodlari almashtirib qo'yilgan

o'rganishdan keyin to'g'irlandi. Forish, Sh.Rashidov, Jizzax shahar va Yangiobod tumanlarida tadbirkorlik sub'yektlarining oziq-ovqat mahsulotlariga shaxsiy iste'mol uchun hajm ko'rsatilmagan va rasm to'liq berilmagan.

Shu bilan birga Baxmal, Sh.Rashidov, Mirzacho'l va Zomin tumanlari YaTT kuzatuvlarini sifatli darajada kuzatmaganligi, bu tumanlarda mahsulotlarning birlik narxlari xatoliklar bilan ko'rsatilganligi tanqid qilindi.

Sanoat bo'limi tomonidan berilgan vazifa va ko'rsatmalarni hamda kuzatuvlarni Arnasoy, Do'stlik, Zafarobod va Paxtakor tumanlari statistika bo'limlari hodimlari boshqa tumanlarga nisbatan yaxshi va o'z vaqtida bajarganligi aytib o'tildi.

Xizmatlar sohasi statistikasi bo'limi boshlig'i v.b. (L.Lukmanova)

2024 yil 2-chorak xizmat kuzatuvlari davomida ayrim tuman statistika bo'limlari xodimlari tomonidan kamchiliklarga yo'l qo'yildi:

- Zomin tuman statistika bo'limi boshlig'i F. Yuldashev "Kalitlar tayyorlash" xizmat turida o'tgan chorakda bo'lgan bo'lsa xam bu chorakda kuzatuv o'tkazmadi.

- Forish tuman statistika bo'limi yetakchi mutaxassisi B. Yermuxammedov tomonidan "Tikuv buyumlarini ta'mirlash" xizmat turi bilan shug'ullanuvchi jismoniy shaxslar kuzatuvini o'tkazmadi.

- Yangiobod tuman statistika bo'limi bosh mutaxassisi Sh.Baratov "Jismoniy shaxslarning avtomobillarini yuvish, avtomobillar kuzovlarini silliqlash" xizmati bilan shug'ullanuvchi jismoniy shaxslar kuzatilmadi.

- Mirzacho'l tuman statistika bo'limi boshlig'i O'.Xursanov tomonidan tumanda "Tantanali marosimlarni tashkil etish xizmatlari (To'y, yubiley, tug'ilgan kun va x.k.)" bo'yicha xizmat turlari o'tgan chorakda o'tkazilgan bo'lsada, lekin bu chorakda kuzatilmadi.

- "Uyda repetitorlik qilish – bolalar va kattalar bilan ta'lim fanlari bo'yicha yakka tartibda hamda guruh bo'lib mashg'ulotlar o'tkazish" xizmat turi narxlari quyidagi tumanlarda viloyat ko'rsatkichidan ancha past narxda kuzatilgan. Ushbu xizmat turi bo'yicha viloyat ko'rsatkichi o'rtacha 12,7 ming so'm, Arnasoy tumanida 7,7 ming so'm, Paxtakor tumanida 5,0 ming so'm, Yangiobod tumanida 8,3 ming so'mni tashkil qilganligi tanqidiy muhokama qilindi.

Investitsiya va qurilish statistikasi bo'limi boshlig'i (F.Soipov)

Viloyatda tanlanma kuzatuv o'tkazish jarayonida kadastrlar palatasining hududiy boshqarmasi tomonidan berilgan ma'lumotlar asosida viloyatning barcha tumanlariga chiqqan holda o'rganilganda Do'stlik, G'allaorol va Zomin tumanlarida 4-tj kuzatuv bo'yicha tanlangan turar-joylarda kuzatuv ishlari oxirgi kunlarga taqab amalga oshirilmoqda.

Investitsiya va qurilish sohasi statistikasi bo'limi tomonidan berilgan vazifa va topshiriqlarni hamda kuzatuvlarni Jizzax sh, Arnasoy va Zafarobod tumanlari boshqa tumanlarga nisbatan yaxshi va o'z vaqtida bajarganligi aytib o'tildi.

Tashqi iqtisodiy faoliyat va savdo statistikasi bo'limi boshlig'i v.b. (D.Mayliboeva)

4-savdo (YATT) "Savdo faoliyati bilan shug'ullanuvchi yakka tartibdagi tadbirkorlar to'g'risida" – 2024 yil II-chorak yakunlari bo'yicha 339 ta YaTT larning savdo faoliyati kuzatilgan (jami savdo faoliyati bilan shug'ullanuvchu YaTTlarga nisbatan 7,7 %).

Shuningdek, o'rganishlar natijasida so'rovnoma Jizzax viloyatining barcha tuman (shahar) larida o'tkazilishi ta'minlangan va ijobiy o'zgarishlarga erishgan. 4-savdo (YaTT) savdo faoliyati bilan shug'ullanuvchi yakka tartibdagi tadbirkorlar to'g'risidagi so'rovnoma" kuzatuvda kuzatilishi belgilangan YaTTlar to'liq olinganligi va Agentlikning 2021 yil 26 fevraldagi 4-son qarori bilan tasdiqlangan "Chakana savdo kuzatuvini o'tkazish tartibi"ga muvofiq o'tkazilganligi aniqlandi.

Do'stlik tumani statistika bo'limi xodimi Payzullaev O'tkir tomonidan kuzatilgan

YaTT "Sanjarbek Ikromov"ning bir kunlik o'rtacha savdo hajmi o'rganilganda haqiqatan ham 925 ming so'm ekanligi ma'lum bo'ldi.

Axborot xizmati (D.Turmatov)

O'zbekiston Respublikasi Prezidentining "Ommaviy axborot vositalari mustaqilligini ta'minlash hamda davlat organlari va tashkilotlari axborot xizmatlari faoliyatini rivojlantirish bo'yicha qo'shimcha chora-tadbirlar to'g'risida"gi 4366-sonli qarorida belgilangan vazifalarning ijrosini ta'minlash maqsadida, Boshqarma va hududiy statistika bo'limlarida Viloyat statistika boshqarmasi faoliyati hamda viloyatning ijtimoiy-iqtisodiy ko'rsatkichlarini ommaviy axborot vositalarida yoritish ishlari amalga oshirib kelinmoqda.

Tuman va shahar staistika bo'limlari tomonidan OAV chiqish rejasi 104 ta bo'lib, amalda 175 ta chiqish bo'lgan. Shundan, 55 ta televideniya, 90 ta radioda va 30 ta gazeta va jurnallarda chiqish qilingan.

Shu o'rinda eng yuqori ko'rsatkich Paxtakor tumani (televideniya 4 ta, radio 5 ta, nashr 3 ta) da qayd etildi. Qolgan tumanlar ham rejani ortig'i bilan bajarganligi aytib o'tildi.

III. Ijro intizomini yanada mustahkamlash va jismoniy va yuridik shaxslardan kelib tushgan murojaatlar bo'yicha boshqarma hamda tuman statistika bo'limlari tomonidan amalga oshirilayotgan chora-tadbirlar natijalari to'g'risida.

Ijro nazoratini tashkil etish, ijro intizomini mustahkamlash borasida O'zbekiston Respublikasi Bosh vaziri tomonidan 2009 yil 28 avgustda tasdiqlangan 11-10-sonli tartibga asosan, O'zbekiston Respublikasi qonunlari, O'zbekiston Respublikasi Prezidenti farmonlari, qarorlari va farmoyishlari, Hukumat qarorlari, farmoyishlari hamda Statistika agentligi buyruqlari, topshiriqlari ijrosi yakunlari bo'yicha hududiy statistika bo'limlari tomonidan 1 va 2-jadvallar ma'lumotlari o'z vaqtida taqdim etilishi va sifatli bajarilishi bo'yicha ko'rsatmalar berib borilmoqda.

2024 yil yanvar-iyul oylarida jami kelib tushgan korrespondensiyalar soni 738 tani tashkil etib, shundan 303 ta Jizzax viloyati hokimligi, korxonalar va tashkilotlardan, 383 tasi O'zbekiston Respublikasi Prezidenti huzuridagi Statistika agentligidan, 43 tasi yuridik shaxslar murojaatlari hamda 9 ta jismoniy shaxslar murojaatlarini tashkil etadi.

Kelib tushgan murojaatlar boshqarma rahbariyati tomonidan nazoratga olinib, ularning barchasiga o'z muddatlarida tegishli mas'ul ijrochilar tomonidan yozma ravishda javob xati yuborilmoqda.

O'zbekiston Respublikasi Prezidenti huzuridagi Statistika agentligi tomonidan tasdiqlangan "Jizzax viloyati statistika boshqarmasi rahbariyati tomonidan 2024 yilda shahar va tumanlarda jismoniy va yuridik shaxslarning murojaatlari uchun sayyor qabullarni tashkil etish jadvali"ga muvofiq, 2024 yil yanvar-iyul oylarida joylarda 7 ta sayyor qabul uchrashuvlari tashkil etildi va ushbu uchrashuvlarda 21 ta yuridik murojaatlar kelib tushgan.

Zomin tumani statistika bo'limi tomonidan **Edo.Ijro.uz** tizimi orqali kelgan hujjatlarni o'z vaqtida ro'yxatga olib, ijroga qaratilmaganligi, O'zbekiston Respublikasi Qonunlari, Prezident hujjatlari va Hukumat qarorlarining bajarilishi bo'yicha shakllanadigan 1-2 tartib jadvallari, hamda jismoniy va yuridik shaxslarning murojaatlari bo'yicha shakllanadigan 7 talik jadvallari boshqarmaga taqdim etilmaganligi tanqid qilindi.

Jizzax viloyat statistika boshqarmasi hamda tuman va shahar statistika bo'limlari bilan birgalikda qog'oz xisoboti bo'yicha xati va jadval ko'rinishidagi ma'lumot taqdim etilmaganligi aytib o'tildi.

IV. Qo'shimcha masalalar

O'zbekiston Respublikasi Prezidentining 2023-yil 27-noyabrdagi "Korrupsiyaga qarshi kurashish tizimini yanada takomillashtirish hamda davlat organlari va tashkilotlari faoliyati ustidan jamoatchilik nazorati tizimi samaradorligini oshirish

chora-tadbirlari to‘g‘risida”gi PF-200-son farmoni bilan belgilab berilgan vazifalar ijrosi to‘g‘risida.

“Korrupsiyaga qarshi kurashish tizimini yanada takomillashtirish hamda davlat organlari va tashkilotlari faoliyati ustidan jamoatchilik nazorati tizimi samaradorligini oshirish chora-tadbirlari to‘g‘risida”gi PF-200-son farmoni xususida va Jizzax viloyati statistika boshqarmasi tizimida 2024-yilda korrupsiyaga qarshi kurashish bo‘yicha idoraviy chora-tadbirlar rejasi ijrosi to‘g‘risida ma’lumotlar berildi.

Ushbu chora-tadbir asosida 2024-yilning 2-choragida belgilangan vazifalar amalga oshirilishi to‘g‘risida fikrlar bildirildi.

Boshqarmada o‘tkazilgan idoraviy seminarda Jizzax viloyati statistika boshqarmasi tizimida 2024-yilda korrupsiyaga qarshi kurashish bo‘yicha idoraviy “Chora-tadbirlar rejasi” mazmuni va belgilangan topshiriqlar to‘g‘risida ma’lumot berildi.

Konstitutsiya va qonun ustuvorligini ta’minlash, bu borada jamoatchilik nazoratini kuchaytirish hamda jamiyatda huquqiy madaniyatni yuksaltirish bo‘yicha chora-tadbirlar dasturi”da belgilangan vazifalar asosida boshqarmada “Huquqiy bilimlar” o‘quv soatlari doimiy ravishda o‘tkazilib kelinayotgani ta’kidlab o‘tildi. Jumladan, joriy yil 2-choragi davomida 15 ta o‘quv seminarlari tashkil etilgan. O‘quv seminarlari davomida xodimlarning huquqiy savodxonligi va boshqarma faoliyatini ochiqligi to‘g‘risida doimiy ravishda ma’lumotlar berib borilayotgani hamda targ‘ibot tadbirlarida korrupsiyaga qarshi kurash, uning oqibatlari to‘g‘risida, idoraviy komissiyaning vazifa va faoliyati to‘g‘risida amalga oshirilgan ishlar bo‘yicha alohida to‘xtalib o‘tildi. O‘tgan davr davomida tayyorlangan materiallarni aholiga, tadbirkorlik sub’ektlari vakillariga, har qanday davlat statistika hisobotini topshiruvchi korxonalar va tashkilotlar vakillariga bukletlar doimiy ravishda tarqatish choralari ko‘rilmoqda. Qonun hujjatlari mazmun-mohiyati va Korrupsiyaga qarshi kurashish to‘g‘risidagi qonun hujjatlari mazmun-mohiyatini tushuntirishga qaratilgan bosma materiallar (bukletlar) tayyorlandi, barcha tuman (shahar) statistika bo‘limlarga elektron shaklda yetkazilib kelinmoqda. Shuningdek, boshqarmaning korrupsiyaga qarshi kurashish bo‘yicha ishlab chiqilgan targ‘ibot materiallari bo‘limlarga tarqatildi.

Barcha tuman shahar statistika bo‘limlari tomonidan korrupsiyaga qarshi kurashish bo‘yicha chora-tadbirlar rejasida belgilangan ma’lumotlar chorak yakuniga qadar taqdim etilishi belgilangan. Ma’lumotlar sifatsiz, kechikib taqdim etilsa intizomiy javobgarlikka tortilishi bo‘yicha ogohlantirildi.

Qonun hujjatlari talablariga qat’iy rioya etishlari va sodir etilishi mumkin bo‘lgan qonun buzilishi holatlarini oldini olish borasida doimiy ravishda maxsus seminarlar, davra suhbatlari va tushuntirish ishlarini davom ettirish hamda hududiy organlar faoliyati samaradorligini oshirish bilan bog‘liq masalalar ham muhokama etilib, bu borada nazorat ishlarini yanada kuchaytirish ma’lum qilindi.

Ro‘yxatga olish jarayonlarini tashkil etish va o‘tkazish bo‘limi boshlig‘i (M. Nurmatova)

O‘zbekiston Respublikasi Vazirlar Mahkamasining 2020-yil 11-noyabrdagi 710-son qarori hamda O‘zbekiston Respublikasi Prezidentining 2024-yil 4-martdagi PQ-114-son qarorining 4-ilovasi Rasmiy statistika sohasida islohotlarni chuqurlashtirish va tizim faoliyatini transformatsiya qilish bo‘yicha “Yo‘l xaritasi”ning 6-bandida aholini ro‘yxatga olishni tashkil etish rejalashtirilgan.

2024-yil davomida O‘zbekiston Respublikasida aholini ro‘yxatga olishni o‘tkazishga tayyorgarlik ko‘rish ishlarini quyidagi yo‘nalishlarda tizimli davom ettirish:

- aholini ro‘yxatga olishni aholining keng ommasiga tushuntirish bo‘yicha targ‘ibot-tashviqot ishlarida foydalanish uchun videorolik, banner, flayer va bukletlar tayyorlash;

- 2021-yilda o‘tkazilgan sinov natijalari va xalqaro ekspertlarning tavsiyalari asosida aholini ro‘yxatga olish savolnomalari shakllarini takomillashtirish;

- xalqaro tajriba va ekspertlarning tavsiyalari asosida “Aholini ro‘yxatga olish” axborot tizimini takomillashtirish;

-“STATA” amaliy dasturiy paketi litsenziyasini xarid qilish va unda ro‘yxatga olish natijalarining chiquvchi jadvallari namunalarini shakllantirish;

- aholini ro‘yxatga olishning tashkiliy rejasini ishlab chiqish.

2. 2025-2026-yillarda O‘zbekiston Respublikasida aholini ro‘yxatga olishni o‘tkazish ishlarini amalga oshirish.

3. 2026-2027-yillarda Aholini ro‘yxatga olish natijalarini tayyorlash va e‘lon qilish ishlarini amalga oshirish belgilab berilganligini aytib o‘tdi.

Mamlakatimizda o‘tkazilishi rejalashtirilgan aholini ro‘yxatga olish tadbiri to‘g‘risida kengroq xabardor qilish maqsadida viloyat statistika boshqarmasi tomonidan reja-jadval asosida targ‘ibot-tashviqot ishlari olib borildi. Jumladan mahalliy telekanalda 2 ta ko‘rsatuv va mahalliy radioda 7 ta eshittirish tashkil etildi. Mahalliy gazetada 9 ta maqola chop etildi, mahalliy hokimiyat organlari va statistika boshqarmasining rasmiy veb-saytida 49 ta maqolalar joylashtirildi. Shuningdek umumta‘lim maktablarida 62 marotaba va oliy ta‘lim muassasalarida 6 marotaba davra suxbati va seminarlar tashkil etildi.

Shu bilan birga 2024-yil yilning yanvar-iyun oylarida boshqarmaning Ro‘yxatga olish jarayonlarini tashkil etish va o‘tkazish bo‘limi va tuman (shahar) statistika bo‘limlari tomonidan reja-jadval asosida viloyatimizning 235 ta mahallari joylarga chiqqan holda o‘rganildi. O‘rganish natijasida 21505 ta xonadondan 10747 tasi raqamlangan, 10758 ta (50,0%) xonadonga raqam belgilari o‘rnatilmaganligi aniqlandi. Jumladan Arnasoy tumani 67,5%, Do‘stlik tumani 83,8%, Sharof Rashidov tumani 75,9% va Zarbdor tumani 63,3% raqamlanmagan xonadonlar to‘g‘risida aytib o‘tdi.

O‘rganilgan 2361 ta ko‘chalarning 1162 tasiga (49,2%) haligacha nom belgilari o‘rnatilmaganligi aniqlandi. Mirzacho‘l tumani 74,1 %, Zarbdor tumani 70,8 % va Do‘stlik tumanida 66,7% ko‘chalarga nom belgilari o‘rnatilmaganligi aytib o‘tildi.

Jizzax viloyati statistika boshqarmasi boshliq o‘rinbosarlari, boshqarmaning tarkibiy bo‘linmalari hamda tuman (shahar) statistika bo‘limlari lavozimlariga kadrlar zaxirasini shakllantirish bo‘yicha amalga oshirilgan ishlar natijalari to‘g‘risida.

Inson resurslarini boshqarish va rivojlantirish bo‘limi boshlig‘i V.Mamatqulov o‘z hisobotida hisobot davrida statistika organlarining kadrlar potensialini mustahkamlash, ularning malakasini hamda kasbiy ko‘nikmalarini oshirish bo‘yicha tegishli tadbirlar amalga oshirilganligi to‘g‘risida aytib o‘tdi.

2024-yil uchun tasdiqlangan boshqarma va tuman (shahar) statistika bo‘limlari xodimlarini qayta tayyorlash va malakasini oshirish dasturi doirasida, Kadrlar malakasini oshirish va statistik tadqiqotlar institutida shu kunga qadar jami 27 nafar, shundan 4 nafar hodim AKT sohasida malaka oshirganligi ta‘kidlandi.

Bundan tashqari, yig‘ilishda boshqarma tarmoq bo‘limlari va tuman (shahar) statistika bo‘limlaridagi mavjud bo‘sh ish o‘rinlarini to‘ldirish bo‘yicha Davlat fuqarolik xizmatchilari vakant lavozimlarining yagona ochiq portali (vacancy.argos.uz) orqali ochiq mustaqil tanlov e‘lon qilinganligi gapirib o‘tildi.

Buxgalteriya hisobi va moliyaviy ishlar bo‘limi boshlig‘i (O.Oripova)

Jizzax viloyati statistika boshqarmasi va tuman (shahar) statistika bo‘limlariga 2024 yil 2-chorak uchun 200,1 mln. so‘m konsalting rejasini belgilab berilgan. Shundan 162,8 mln. so‘mlik konsalting tushumi qilingan bo‘lib, rejaga nisbatan 81,3 % ga bajarilgan xolos.

Jumladan, konsalting tushumi rejasini eng yuqori Zafarobod tumani 11,7 mln. so‘m, (158,8 %), Paxtakor tumani 16,2 mln. so‘m (153,0%), Arnasoy tumani 7,8 mln. so‘m (113,1%), Yangiobod tumani 5,8 mln. so‘m (112,7%) bajargan bo‘lsa, Jizzax shahri 9,8 mln. so‘m (18,2%), Baxmal tumani 2,8 mln. so‘m (20,1%), Sh.Rashidov tumani 7,3 mln. so‘m (27,1%) hamda Zomin tumani bor yo‘g‘i 6,8 mln. so‘mga (39,4%) bajarganligi

tanqidiy muhokama qilindi hamda 3-chorak yakuni bilan 9 oylik rejani to'liq yopish choralari ko'rish bo'yicha ko'rsatmalar berildi.

Kompleks o'rganishlar reja-jadvaliga asosan 2024 yilning 2-choragida tuman statistika bo'limlarida o'tkazilgan o'rganishlar natijalari to'g'risida.

Joriy yilning 2-choragida Jizzax viloyati statistika boshqarmasining 2024 yil 4-yanvardagi 2-i sonli buyrug'ining 2-ilovasiga muvofiq, aprel oyida Arnasoy va Do'stlik tumanlarida, may oyida Zomin tumanida, iyun oyida Zafarobod va Forish tumanlari statistika bo'limlarida amaldagi qonunlar, O'zbekiston Respublikasi Prezidenti va Hukumati hujjatlarining ijrosi yuzasidan o'tkazilgan kompleks o'rganishlar natijalari tanqidiy muhokama qilindi.

Bunda, aniqlangan xato va kamchiliklarni bartaraf etish yuzasidan amalga oshirilgan ishlar bo'yicha ushbu tuman statistika bo'limlari boshliqlari hisobotlari eshitilib, bu borada ishlarni tizimli ravishda tashkil etish va nazoratni yanada kuchaytirish yuzasidan tegishli topshiriqlar berildi.

Qolaversa bo'limlarda planshet jadvallar va yakuniy jadvallar yuritilganligi, lekin o'rganish jarayonida to'liq tartib asosida jildlarga tikib borilmaganligi aniqlanib, tartib asosida chop etilib tikilganligi tanqidiy muhokama qilindi hamda ish yuritishni to'g'ri olib borish bo'yicha ko'rsatmalar berildi.

O'zbekiston Respublikasi Prezidenti huzuridagi Statistika agentligining 2024 yil 30 iyuldagi 10-sonli Xay'at yig'ilishi bayoni va unda belgilangan vazifalar ijrosi yuzasidan:

Yig'ilishda, boshqarma boshlig'i D.Mulladjanov O'zbekiston Respublikasi Prezidenti huzuridagi Statistika agentligining 2024 yil 2-choragi yakunlariga bag'ishlangan Xay'at yig'ilishining 10-sonli bayoni va unda belgilangan vazifalarni yig'ilish ishtirokchilariga o'qib eshittirdi va O'zbekiston Respublikasi Prezidentining 2022 yil 22 yanvardagi PF-60-son Farmoni bilan tasdiqlangan "2022-2026 yillarga mo'ljallangan Yangi O'zbekistonning taraqqiyot strategiyasini "Yoshlar va biznesni qo'llab-quvvatlash yili"da amalga oshirishga doir Davlat dasturi" doirasida tizim oldiga belgilab berilgan topshiriqlarni so'zsiz, sifatli va o'z muddatida ijrosini ta'minlash borasida Jizzax viloyati statistika boshqarmasi tizimida amalga oshirilishi lozim bo'lgan ishlar yuzasidan ko'rsatmalar berdi.

Yig'ilish yakunida Vazirlar Mahkamasining 2017 yil 19 oktyabrdagi 855-son qarori ijrosi yuzasidan agentlik tomonidan ishlab chiqilgan reglament asosida ham to'xtalib 2024 yil 2-choragi davomida hududiy statistika organlari faoliyati samaradorligini baholash yakunlari bo'yicha Jizzax viloyati statistika boshqarmasining faoliyati Respublika reytingida 12 o'rinni egallaganligi va 2024 yilning 1 choragiga nisbatan 1 pog'ona ko'tarilgani to'g'risida aytib o'tdi va kelgusida natijalarni yanada yaxshilash bo'yicha ko'rsatma va vazifalarni belgilab berdi.

Kun tartibidagi masalalarni muhokama qilib, Kengash yig'ilishi

QAROR QILADI:

1. O'zbekiston Respublikasi Prezidenti huzuridagi Statistika agentligida 2024 yil 30 iyul kuni o'tkazilgan Milliy statistika tizimini takomillashtirish yuzasidan O'zbekiston Respublikasi Prezidenti va Hukumatining hujjatlari hamda topshiriqlarida belgilab berilgan vazifalar bo'yicha davlat statistika organlarida 2024 yilning 2-choragida amalga oshirilgan ishlar hamda kelgusidagi ustuvor vazifalariga bag'ishlangan 10-sonli kengaytirilgan Hay'at yig'ilishi bayoni ma'lumot va ijro uchun qabul qilinsin.

2. Boshqarma boshlig'i D.Mulladjanovning Milliy statistika tizimini takomillashtirish yuzasidan O'zbekiston Respublikasi Prezidenti va Hukumatining hujjatlari hamda topshiriqlarida belgilab berilgan vazifalar ijrosi bo'yicha davlat statistika organlarida 2024 yil 2-chorak yakunlari, shuningdek, O'zbekiston Respublikasi Prezidentining sohaga doir qabul qilingan farmon, qaror va farmoyishlari doirasida amalga oshirilgan ishlar to'g'risidagi ma'ruzasi ma'lumot uchun qabul qilinsin.

3. Ro'yxatga olish jarayonlarini tashkil etish va o'tkazish bo'limi boshlig'i (M.Nurmamatova) tuman (shahar) statistika bo'limlari boshliqlari bilan birgalikda:

O'zbekiston Respublikasi Vazirlar Mahkamasining 2020-yil 11-noyabrdagi "O'zbekiston Respublikasida 2023-yilda aholini ro'yxatga olishga tayyorgarlik ko'rish va uni o'tkazish chora tadbirlari to'g'risida"gi 710-son qarori hamda O'zbekiston Respublikasi Prezidentining 2024-yil 4-martdagi PQ-114-son qarorining tegishli bandlari ijrosi yuzasidan ro'yxatga olish jarayonlarini tashkil etish va o'tkazish bo'yicha har oyda oliy o'quv yurtlari, umumta'lim maktablari va boshqa muassasalarda seminarlar tashkil etish, sayt va gazetalarda maqolalar chop etish hamda televideniye va radioda chiqishlar qilishni tashkil etsin.

Statistika agentligi tomonidan tasdiqlangan Reglament asosida MFYlarda raqamlanmagan uy va xonadonlarga raqam o'rnatilganlik holati hamda nomi o'zgargan ko'chalarga yangi nom belgilarini o'rnatilishini doimiy monitoring qilib, ma'lumotlarni tasdiqlangan holda belgilangan muddatlarda agentlikka taqdim etsinlar.

4. Arnasoy (O.Omonov), Do'stlik (X.Shaymardanov), Sharof Rashidov (A.Qobilov), Zarbdor (G'. Turdiboyev) va Mirzacho'l (O'.Xursanov) tumani statistika bo'limlari boshliqlari raqamlanmagan xonadonlar va nom belgilari o'rnatilmagan ko'chalarning foizi yuqoriligi sababli o'z vakolati doirasida belgilangan tartibda ishlarni jadallashtirish choralari ko'rsin.

5. Statistika faoliyatini tashkil etish va yig'ma axborot-tahliliy ishlar bo'limi boshlig'i G'.Xaydarov, Ishbilarmonlik muhiti kuzatuvlari va tadbirkorlik statistikasi bo'limi boshlig'i D.Abdujabborov, Qishloq xo'jaligi va ekologiya statistikasi bo'limi boshlig'i S.Ismoilov, Sanoat va energetika statistikasi bo'limi boshlig'i R.To'raqulova, Tashqi iqtisodiy faoliyat va savdo statistikasi bo'limi boshlig'i v.b. D.Mayliboeva, Narx statistikasi bo'limi bosh mutaxassisi S.Hamraqulova, Xizmatlar sohasi statistikasi bo'limi boshlig'i v.b. L.Lukmanova, Demografiya, mehnat va gender statistikasi bo'limi boshlig'i N.Xoliqov, Raqamlashtirish va ma'lumotlarni saqlash markazi boshlig'i M.Muradov, Jismoniy va yuridik shaxslarning murojaatlari bilan ishlash va ijro intizomi nazorati bo'limi yetakchi mutaxassisi Sh.Sharipova, Axborot xizmati D.Turmatov, Ro'yxatga olish jarayonlarini tashkil etish va o'tkazish bo'limi boshlig'i M.Nurmamatova, Bosh yuriskonsult G'.Qo'shaqov, Inson resurslarini boshqarish va rivojlantirish bo'limi boshlig'i V.Mamatqulov hamda Buxgalteriya hisobi va moliyaviy ishlar bo'limi boshlig'i O.Oripovalarning 2024 yilning 2-choragida belgilangan vazifalarning ijrosi to'g'risidagi axboroti ma'lumot uchun qabul qilinsin.

6. Boshqarma tarmoq bo'limlari boshliqlari:

O'zbekiston Respublikasi Prezidenti va Hukumatining Farmon, qaror va farmoyishlari bilan davlat statistika sohasining oldiga belgilab berilgan, shuningdek, boshqarmaning idoraviy hujjatlari bilan ijrosiga bevosita o'zlari mas'ul etib belgilangan vazifalarning o'z vaqtida puxta va samarali ijrosini ta'minlasinlar:

Shuningdek, o'zlari mutasaddi bo'lgan yo'nalishlar bo'yicha Davlat statistika ishlari dasturida belgilangan statistika ishlarini o'z vaqtida va sifatli bajarilishini ta'minlasin, bunda yuzaga kelgan xato va kamchiliklar, muammolarni tezkorlik bilan o'z vaqtida hal etish choralari ko'rib borsinlar;

Statistik tahlillar sifatini yanada kuchaytirgan holda, axborot-tahliliy ma'lumotlar mazmunini kengaytirilishi hamda ularni doimiy ravishda veb-saytlarga joylashtirilishini tashkil etsinlar;

Barcha yo'nalishlar bo'yicha joylarda o'tkaziladigan tanlanma kuzatuvlarni to'liq va sifatli tashkil etilishi yuzasidan nazoratni yanada kuchaytirsinlar hamda kuzatuv natijalari bo'yicha ma'lumotlarning to'liqligi, haqqoniyligi va sifatli yuzasidan tahlillarning har tomonlama puxta tashkil etilishini ta'minlasinlar:

Qolaversa bajarilishiga mas'ul bo'lgan barcha vazifalar bo'yicha (shahar) tuman statistika bo'limlari faoliyati yuzasidan monitoring va nazorat ishlarini yanada

kuchaytirsinlar hamda vazifalarni joylarda samarali ijro etilishi yuzasidan ularga doimiy amaliy yordam berish choralari ko'rsin.

7. Statistika faoliyatini tashkil etish va yig'ma axborot-tahliliy ishlar bo'limi boshlig'i (G'.Xaydarov):

- Davlat statistika ishlari dasturida belgilangan statistika ishlarini tizim bo'yicha o'z muddatlarida, to'liq va sifatli bajarilishi yuzasidan doimiy monitoring olib borsin;

- tarmoq bo'limlari tomonidan tayyorlanayotgan planshet, press-reliz ma'lumotlari va boshqa boshqarma rasmiy veb-saytining ochiq ma'lumotlar sahifasiga joylashtirilayotgan ma'lumotlarni nazoratga olsin.

- hududiy statistika organlari tomonidan xo'jalik yurituvchi sub'ektlar bilan sohaga oid yo'l qo'yilishi mumkin bo'lgan huquqbuzarliklarni barvaqt profilaktika qilish, ularning huquqiy savodxonligini oshirish bo'yicha amalga oshiriladigan tadbirlarni keng ko'lamda va samarali tashkil etilishini muvofiqlashtirib borsin;

- profilaktika ishlari bo'yicha ommaviy axborot vositalarida muntazam ravishda chiqishlar tashkil etilishini nazoratga olsin.

- boshqarma hamda (shahar), tuman bo'limlari boshliqlari bilan birgalikda aniqlangan huquqbuzarliklar bo'yicha ma'muriy ishlarni amaldagi qonunchilikka muvofiq yuritilishi, to'g'ri rasmiylashtirilishi va o'z muddatida ijro etilishi ta'minlasin:

- Boshqarma va tuman (shahar) statistika bo'limlarida mavjud bo'lishi shart bo'lgan 10 ta papkalaridagi oylik, choraklik, yillik hisobot shakllari va jadvallari hamda planshetlar, majburiy tarqatmalar o'z vaqtida tartib asosida tikib borilishini nazoratga olsin:

8. Boshqarma bosh yuriskonsulti (G'.Qo'shoqov) hisobot intizomini buzgan mansabdor shaxslarga qo'llanilayotgan jarima hujjatlarini huquqiy ekspertizadan o'tkazsin, hujjatlari sudlardan qaytganda hududlarga chiqqan holda yuridik tomonlama ko'mak bersin.

9. Jismoniy va yuridik shaxslarning murojaatlari bilan ishlash va ijro intizomi nazorati bo'limi (Sh.Sharipova)

- ijro intizomi bo'yicha tuman (shahar) statistika bo'limlarida doimiy ravishda monitoring kuzatuvlari olib borilsin:

- bajarilgan ishlar natijasi yuzasidan muntazam ravishda rahbariyatga axborot kiritib borsin:

- O'zbekiston Respublikasi Prezidenti va Hukumati hujjatlari ijrosini o'z vaqtida va to'liq ta'minlash, hujjatlar bilan ishlash, ijro intizomini mustahkamlash borasida belgilangan vazifalar va chora-tadbirlar ijrosi yuzasidan nazoratni yanada kuchaytirsin;

- O'zbekiston Respublikasi Prezidentining 2017 yil 11 apreldagi PQ-2881-son qarorida belgilangan vazifalarning so'zsiz bajarilishini ta'minlab, ijro intizomi holatini tizimli tahlil qilish, hujjatlar ijrosi bo'yicha kunlik nazoratni to'liq tashkil etish choralari ko'rsinlar;

- kelib tushgan korrespondensiyalarni ijro intizomining avtomatlashtirilgan nazorati dasturi (Edo.ijro.uz) orqali ro'yxatga olinishini ta'minlab, hujjatlar ijrosini ushbu tizim orqali to'liq nazorat qilib borilishini tashkil etsin;

- boshqarma, tuman (shahar) statistika bo'limlariga jismoniy va yuridik shaxslar tomonidan kelib tushayotgan murojaatlarni qat'iy ravishda amaldagi qonun hujjatlari talablari asosida o'z vaqtida va puxta ko'rib chiqilishini tashkil etish bo'yicha olib borilayotgan ishlar yuzasidan muntazam monitoring, nazorat va tahlil ishlarini olib borsin;

- ish yuritish, hujjatlar bilan ishlash, ijro nazoratini tashkil etish, murojaatlar bilan ishlash masalalarida amalga oshirilayotgan tadbirlar samaradorligini oshirish yuzasidan tuman (shahar) statistika bo'limlariga doimiy amaliy va maslahat yordami berib borilishini tashkil etsin;

10. Axborot xizmati (D.Turmatov):

- O'zbekiston Respublikasi Prezidentining 2019 yil 27 iyundagi "Ommaviy axborot vositalari mustaqilligini taminlash hamda davlat organlari va tashkilotlari axborot

xizmatlari faoliyatini rivojlantirish bo'yicha qo'shimcha chora-tadbirlar to'g'risidagi PQ-4366-son qarorida belgilangan vazifalarning so'zsiz ijrosini taminlash yuzasidan amalga oshirilayotgan chora-tadbirlarning samaradorligi to'g'risidagi hisoboti ma'lumot uchun qabul qilinsin.

- boshqarma va (shahar) tuman statistika bo'limlari tomonidan ommaviy axborot vositalariga muntazam chiqishlar yo'lga qo'yilsin;

- tuman (shahar) statistika bo'limlarining OAVga chiqishlari bo'yicha nazoratni kuchaytirsin va har haftalik ma'lumotlar rahbariyatga kiritib borilsin;

- 3-chorak yakuni bilan radio eshittiruvlar sonini belgilangan rejaga yetkazish choralarini ko'rsin.

11. Dasturiy-texnik ta'minot va ma'lumotlarni saqlash markazi (M.Murodov):

Boshqarma rasmiy veb-saytining samarali va uzluksiz faoliyat ko'rsatishini, ularning doimiy ravishda takomillashtirib, kengaytirilgan, ochiq va dolzarb statistik-tahliliy axborotlar bilan yangilab borilishi yuzasidan shaxsiy nazoratni yanada kuchaytirsin.

Tarmoq bo'limlarida oylik, choraklik, yillik ko'rsatkichlar asosida belgilangan videoroliklar sonini kamida rejaga etkazish va to'liq bajarganligi uchun har chorak yakuni bilan ustama belgilash va videoroliklarni sifatini yanada takomillashtirishni ta'minlasin.

Boshqarma, tuman (shahar) statistika bo'limlarida axborot xavfsizligini ta'minlash yuzasidan belgilangan vazifalarning to'liq va samarali bajarilishining nazoratni yanada kuchaytirsin.

Barcha tuman (shahar) statistika bo'limlari xonalaridagi kameralarning doimiy ishlab turishini shaxsan nazoratga olsin.

12. Qishloq xo'jaligi va ekologiya statistikasi masalalarida faoliyatida yo'l qo'yib kelayotgan kamchiliklari uchun Baxmal tumani statistika bo'limi boshlig'i - A. Eshonqulov va G'allaorol tumani statistika bo'limi boshlig'i - U. Mirzabekovlarga amaldagi tartibda **"hayfsan"** intizomiy jazo chorasini qo'llanilsin.

13. Zomin tumani statistika bo'limi yetakchi mutaxassisi G'oziev Nodir 2024-yilning I-choragi yakuni bilan ogohlantirilganligiga qaramay Ro'yxatga olish jarayonlarini tashkil etish va o'tkazish bo'limi tomonidan berilgan topshiriqlarni bajarishda muntazam ravishda kamchiliklarga yo'l qo'yganligi uchun **"hayfsan"** intizomiy jazo chorasi qo'llanilsin.

14. Inson resurslarini boshqarish va rivojlantirish bo'limi (V. Mamatqulov), Bosh yuriskonsult (G'.Qo'shoqov) va Buxgalteriya hisobi va moliyaviy ishlar bo'limi (O. Oripova) birgalikda intizomiy jazo chorasi boshqarma rahbariyati tomonidan belgilanadigan mas'ullarga nisbatan amaldagi qonunchilikka muvofiq hujjatlarni rasmiylashtirsin.

15. 2024 yilning II choragi davomida Narx statistikasi bo'limi (S.Hamraqulova) tomonidan statistika ishlari dasturida belgilangan vazifalar ijrosini ta'minlashda ko'p xato va kamchiliklarga yo'l qo'yilganligi uchun ogohlantirilsin.

16. Do'stlik (X.Shaymardanov), Sh.Rashidov (A.Qobilov), Baxmal (A.Eshonqulov), G'allaorol (U.Mirzabekov) va Zomin (F.Yuldashev) tumani statistika bolimlari 2024 yil II choragi yakuni bilan 4-KB savolnoma (choraklik) "Mikrofirma va kichik korxonaning faoliyati to'g'risida"gi davlat savolnomasi qamrovini o'rtacha viloyat ko'rsatkichidan past ta'minlaganligi uchun ogohlantirilsin.

17. Baxmal (A.Eshonqulov), Sh.Rashidov (A.Qobilov), Zarbdor (G'. Turdiboyev) va Mirzacho'l (O'.Xursanov) tuman statistika bo'limlari boshliqlari hisobot intizomini buzgan mansabdor shaxslarga nisbatan qonunchilikda belgilangan choralar ko'rib borish bo'yicha sustkashliklarga yo'l qo'yganligi uchun ogohlantirilsin.

18. Zomin (F.Yuldashev), Forish (T.Qo'narov), Yangiobod (Y.Sharofboyev), Mirzacho'l (O'.Xursanov) tuman statistika bo'limlari boshliqlari – xizmat kuzatuv bo'yicha mas'ul hodimlari tomonidan 2024 yil 2-chorak xizmat kuzatuvlari davomida yo'l qo'yilgan kamchiliklarni bartaraf etish va kelgusida bunday xato va kamchiliklarga yo'l qo'ymaslik choralarini ko'rsin.

19. Inson resurslarini boshqarish va rivojlantirish bo'limi (V.Mamatqulov):

- Boshqarma tarmoq bo'limlari, tuman (shahar) statistika bo'limlari xodimlarining ishga o'z vaqtida kelib-ketishini shaxsan nazoratga olsin;

- Boshqarma tarmoq bo'limlari va tuman (shahar) statistika bo'limlaridagi mavjud bo'sh ish o'rinlarini to'ldirish bo'yicha Davlat fuqarolik xizmatchilari vakant lavozimlarining yagona ochiq portali (vacansy.argos.uz) orqali ochiq mustaqil tanlov e'lon qilinishi ta'minlansin;

- boshqarma va tuman (shahar) statistika bo'limlari shtat birligidagi barcha xodimlarni <https://hrm.argos.uz/> dasturiga to'liq kiritib borsin;

- tizimdagi barcha xodimlarni ishga o'z vaqtida kelishini doimiy ravishda monitoring qilib borsin;

- "Statistika agentligi huzuridagi Kadrlar malakasini oshirish va statistik tadqiqotlar institutida 2024 yilda davlat statistika organlari xodimlarini qayta tayyorlash va malakasini oshirish dasturi"ga muvofiq, joriy yil o'quv kurslari va rejaga asosan boshqarma va tuman (shahar) statistika bo'limlari xodimlarini malakasini oshirishni, tinglovchilarni o'quv kurslarida to'liq ishtirok etishini va test natijalaridan yuqori ball olishini nazorat qilsin.

20. Boshqarma boshlig'i o'rinbosarlari, boshqarma tarmoq va tuman (shahar) statistika bo'limlari:

Reytingdagi tegishli indikatorlar bo'yicha belgilangan parametrlarda yo'l qo'yilgan xato va kamchiliklarni bartaraf etish choralarini ko'rsinlar.

21. Kengash yig'ilishi qarorlari ijrosini nazorat qilishni o'z zimnamda qoldiraman.

Kengash mas'ul kotibi

G'. Xaydarov